

ՍՈՑԻԱԼԱԿԱՆ

ՆԵՐԿԱՅԱՑՎԵՑ ԳՈՐԾԱԶՐԿՈՒԹՅԱՆ ԴԵՄ ՊԱՅՔԱՐԻ ՆԱԽԱԳԻԾ

Վրաստանի կառավարության հերթական նիստում, երկրի վարչապետ Իրակլի Դարիբաշվիլին հանդես եկավ նախաձեռնությանը, ըստ որի՝ արդեն հունվարից կիրարկվում է՝ կարիքավորների համար նոր աշխատատեղերի ստեղծման նախագիծը:



Դեռևս անցյալ տարվա վերջերին, Իրակլի Դարիբաշվիլու նախաձեռնությամբ՝ Վրաստանում մեկնարկեց սոցիալապես անապահով կարգավիճակով քաղաքացիների համար մասնագիտական վերապատրաստման եւ աշխատանքով ապահովման ծրագիրը: Այդ ծրագրի շուրջ խոսելով, վարչապետը նշեց, որ ներկա դրությամբ Վրաստանում հաշվառված է շուրջ 600 հազար սոցիալապես անապահով քաղաքացի եւ նրանց կեսից ավելին աշխատունակ է, թեպետ չի աշխատում, քանի որ վախենում է կորցնել պետական նպաստի ստացման իրավունքը:

Նշենք, որ, Վրաստանի սոցիալական սպասարկման գործակալության տվյալներով, 2020 թվականին պետությունից ֆինանսական օգնություն է ստա-

նում 633586 սոցիալապես անապահով անձ (71724 ընտանիք), ինչը կազմում է երկրի բնակչության 17 տոկոսը: Ավելացնենք, որ սոցիալապես անապահով քաղաքացիներին պետության կողմից հատկացվող ֆինանսական օգնության չափը կապված է վարկանիշային միավորների թվից՝ որքան աղքատ է ընտանիքը, այնքան քիչ են միավորները: Իսկ ինչ վերաբերում է կոմերտ գումարին, ապա ընտանիքի յուրաքանչյուր անդամի համար գումարը տատանվում է 10-ից 60 լարիի սահմաններում:

(Խորագրի շարունակությունը՝ 3-րդ էջում)

ՎՐԱՍՏԱՆ - ՆԱՏՕ

ՇԱԼՎԱ ՊԱՊՈԽԱՆԿԻՆ. «ՈՐՊԵՍ ԱԼՅԱՆՍԻ ՀԱՎԱԿՆՈՐԴ ՎՐԱՍՏԱՆԸ ԼՈՒՐՋ ԲԱՐԵՓՈԽՈՒՄՆԵՐ Ե ԻՐԱԿԱՆԱՑՆՈՒՄ»



Այցի շրջանակներում, Վրաստանի խորհրդարանական պատվիրակությունը հանդիպում ունեցավ ՆԱՏՕ-ի գլխավոր քարտուղարի տեղակալ Միշա Ջոաննայի հետ, մասնակցեց ՆԱՏՕ-Վրաստան հանձնաժողովի (NGC) նիստին:

Վրաստանի խորհրդարանի նախագահ Շալվա Պապուաշվիլին, խորհրդարանական պատվիրակության հետ, գտնվում է Բրյուսելում, որտեղ հանդիպումներ է անցկացնում ՆԱՏՕ-ի բարձրաստիճան պաշտոնյաների հետ:

- Որպես ՆԱՏՕ-ի հավակնորդ երկիր՝ Վրաստանը ճանաչված է հավակնոտ բարեփոխումների իրականացման գործում ունեցած ակնառու ձեռքբերումներով: - հայտարարեց Շալվա Պապուաշվիլին՝ հավելելով, որ բոլոր անդամ երկրների ներկայացուցիչներն իրենց աջակցությունն են հայտնել Վրաստանին տարածքային ամբողջականության, ինքնիշխանության եւ ՆԱՏՕ-ին անդամակցելու Վրաստանի ցանկությանը եւ վերահաստատել ՆԱՏՕ-ի բաց դռների քաղաքականությունը:

COVID - 19

«ԽԹԱՆԻՉ» ԴԵՂԱԶԱՓՈՎ ՊԱՏՎԱՍՏՎԱԾ 50-Ն ԱՆՑ ՔԱՂԱՔԱՑԻՆԵՐԸ ԿԱՏԱՆԱՆ 100 ԼԱՐԻ ԻՐԱԿԻ ԴԱՐԻՔԱՆԿԻՆԻ ՇՐՋԱՐԱՎԵՑ ԴԱՏՎԱՍՏՈՒՄԸ ԽԹԱՆԵԼՈՒ ԾՐԱԳԻՐԸ

Հունվարի 24-ին, Վրաստանի վարչապետ Իրակլի Դարիբաշվիլին կառավարության նիստին խոսեց պատվաստումը խթանելու ծրագրի վերաբերյալ, ըստ որի՝ անհրաժեշտ է համարել 50 տարեկանից բարձր քաղաքացիների պատվաստումը խրախուսող միջոցառումների շարունակումը, ինչպես նաեւ՝ երկրում առկա բոլոր պատվաստանյութերի օգտագործումը, եւ դրանց գյուղեր հասցնելը:

Նա նշեց նաեւ, որ կորոնավիրուսով վարակման բարձր ցուցանիշը չի ազդել հիվանդանոցների վրա, այս փուլում ազդեցությունը հիմնականում լաբորատորիաների եւ առաջնային առողջապահության օղակների վրա է:

Վարչապետը մեկ անգամ եւս կոչ արեց բնակչությանը պատվաստվել, եւ նշեց, որ անհրաժեշտ է ընդլայնել պատվաստման ծավալները:

Վարչապետը հիշեցրեց 50 տարեկանից բարձր անձանց պատվաստման դեպքում տրվող հավելավճարի մասին եւ՝ ընդգծել, որ պատրաստվում

են ընդլայնել հակահամաճարակային միջոցառումները: Միջգերատեսչական համակարգող խորհրդի օպերատիվ շտաբի պետ Գիորգի Ղիբրաձեն, մանրամասնելով պատվաստման խրախուսման ծրագիրը, հայտարարել է, որ 50-ից բարձր տարիքի քաղաքացիների համար պատվաստումների խրախուսման ծրագիրը կշարունակվի եւս մեկ ամիս եւ 50-ն անց քաղաքացին, ով կստանա պատվաստանյութի երրորդ՝ «խթանիչ» չափաբաժինը, կստանա 100 լարի:

(Շարունակությունը՝ 6-րդ էջում)

ՎՐԱՍՏԱՆ - ՀԱՅԱՍՏԱՆ

ԱԼԵՆ ՍԻՄՈՆՅԱՆԸ ՇԱԼՎԱ ՊԱՊՈԽԱՆԿԻՆԻ ՇՆՈՐՀԱՎՈՐԵՅ ԽՈՐՀՐԴԱՐԱՆԻ ՆԱԽԱԳԱՀ ԸՆՏՐՎԵԼՈՒ ԿԱՊԱԿՅՈՒԹՅԱՄԲ

Հունվարի 26-ին կայացավ Վրաստանի խորհրդարանի նախագահ Շալվա Պապուաշվիլու եւ Հայաստանի Ազգային ժողովի նախագահ Ալեն Սիմոնյանի հեռախոսազրույցը:

Ալեն Սիմոնյանը շնորհավորեց գործընկերոջը՝ խորհրդարանի նախագահ ընտրվելու եւ ծննդյան օրվա առթիվ:



Երկու երկրի օրենսդիր մարմինների ղեկավարները քննարկեցին վրաց-հայկական խորհրդարանական դիվանագիտության օրակարգին առնչվող հարցեր:

Հայաստանի ԱԺ նախագահը Վրաստանի խորհրդարանի նախագահին պաշտոնական այցով Հայաստան է հրավիրել:

ԵՐԿՈՒ ԵՐԿՐՆԵՐԻ ՆԱԽԱՐԱՐՆԵՐԸ ՄՏՈՐԱԳՐԵՅԻՆ ԱՐԴԱՐԱՐԱՏՈՒԹՅԱՆ ԲՆԱԳԱՎԱՌՈՒՄ ՀԱՄԱԳՈՐԾԱԿՈՒԹՅԱՆ ՀՈՒՇԱԳԻՐ

Հունվարի 26-ին, Հայաստանի արդարադատության նախարար Կարեն Անդրեասյանի հրավերով, եռօրյա այցով, Հայաստանում էր գտնվում Վրաստանի արդարադատության նախարար Ռատի Բրեգաձեն:

Այցի շրանակներում, Ռատի Բրեգաձեն հանդիպում ունեցավ իր հայ գործընկեր Կարեն Անդրեասյանի հետ:



Հանդիպմանը երկու երկրների արդարադատության գերատեսչությունների ղեկավարները քննարկեցին դատական ակտերի հարկադիր կատարման, հանրային ծառայությունների մատուցման ոլորտում Հայաստանի

կողմից իրականացվող բարեփոխումների ընթացքը, Վրաստանում գործող «Արդարադատության տների» փորձառնությունը Հայաստանում տեղայնացնելու (Շարունակությունը՝ 2-րդ էջում)

ԵԿԵՂԵՑԱԿԱՆ

ԹԲԻԼԻՍԻ ՍՈՒՐԲ ԳԵՎՈՐԳ ԵԿԵՂԵՅՈՒՄ ԿԱՅԱՅԱՎ ԷԿՈՒՄԵՆԻԿ ԱՐՈԹՔ

Հունվարի 21-ին, Հայ Առաքելական Սուրբ եկեղեցու Վիրահայոց թեմի Թբիլիսիի Սուրբ Գեորգ առաջնորդանիստ եկեղեցում բարձրացվեց հերթական էկումենիկ աղոթքը:



Աղոթքին ավանդաբար մասնակցեցին Հայ Առաքելական Ուղղափառ եկեղեցու Վիրահայոց թեմը, Լատինա-կաթոլիկների կուկասյան առաքելական վարչու-

թյունը, Վրաստանում Ավետարանական-լուսերական եկեղեցին եւ Վրաստանի Ավետարանական-Մկրտական եկեղեցին:

(Շարունակությունը՝ 3-րդ էջում)

ՆԱԽԱՁԵՆՈՒԹՅՈՒՆ

ՍԱԼՈՍԵ ԶՈՒՐԱԲԻՇՎԻԼԻՆ ՇԱՐՈՒՆԱԿՈՒՄ Է ՀԱՆԴԻՊՈՒՄՆԵՐԸ ԱԶԳԱՅԻՆ ՀԱՄԱՁԱՅՆՈՒԹՅԱՆ ՀԱՍՆԵԼՈՒ ՀԱՄԱՐ



Վրաստանի նախագահ Սալոմե Զուրաբիշվիլին շարունակում է հանդիպումները քաղաքական գործիչների եւ հասարակական կազմակերպությունների ներկայացուցիչների հետ՝ ազգային համաձայնության հասնելու համար:

Հունվարի 24-ին, նախագահական նստավայրում, հերթական հանդիպման էին եկել «Վրացական երազանք» կուսակցության Նինո Ծիլոսանին, «Լեւո»-ի անդամ Անա Նացվիլիշվիլին, «Համուն արդարության» կուսակցության հիմնադիր Էկա Բեսելիան եւ «Թրանսփարենսի Ինթերնեշլ Վրաստան» (TI) հասարակական կազմակերպության ղե-

կավար Էկա Գիգաուրին: Վրաստանի նախագահ Սալոմե Զուրաբիշվիլին մի քանի շաբաթ է՝ իր նախածեռնած ազգային համաձայնության գործընթացի շրջանակներում հանդիպում է քաղաքական կուսակցությունների եւ քաղաքացիական հասարակության ներկայացուցիչների հետ:

ՀԱՄԱԳՈՐԾԱԿՑՈՒԹՅՈՒՆ

ՔՆՆԱՐԿՎԵՑ ՎՐԱՍՏԱՆԸ ՏԱՐԱԾԱՇՐՋԱՆԱՅԻՆ ԿԵՆՏՐՈՆԻ ՎԵՐԱԾՄԱՆ ՌԱԶՄԱՎԱՐՈՒԹՅՈՒՆԸ

Դեռեւս Բրյուսել կատարած այցի շրջանակներում՝ Վրաստանի վարչապետ Իրակլի Դաիբաշվիլին երկրի կառավարության անունից ստորագրել էր համաձայնագիր աշխարհի խոշորագույն ֆինանսական խմբերից մեկի՝ «Rothschild & Co»-ի հետ՝ Վրաստանը տարածաշրջանային կենտրոնի վերածելու ռազմավարության վերաբերյալ:

Հունվարի 28-ին Վրաստանում գտնվող «Rothschild & Co» ընկերության կառավարիչ տնօրեն Արիել Մալար դե Ռոտշիլդի գլխավորած պատվիրակությունը հանդիպում ունեցավ Վրաստանի կառավարության ղեկավարի հետ: Հանդիպմանը շեշտը դրվեց երկիրը որպես տարածաշրջանային ֆինանսա-

կան կենտրոնի կայացման վրա, որը կօգնի ներդրումներ ներգրավել, ստեղծել նոր աշխատատեղեր, կիսել ժամանակակից ֆինանսական եւ տեխնոլոգիական նորարարությունները: Իրակլի Դաիբաշվիլին խոսքով՝ Վրաստանի համար առաջնահերթություն է, որ ֆինանսական գոտիներում գործող միջազ-

գային ընկերությունների անձնակազմի զգալի մասը կազմեն Վրաստանի քաղաքացիներ, ինչը թույլ կտա նրանց ունենալ մասնագիտական եւ կարիերային զարգացում: Վարչապետը «Rothschild & Co.»-ի գործադիր տնօրենին խոստացավ կառավարության առավելագույն աջակցությունը ռազմավարության վրա հնարավորինս արդյունավետ աշխատելու եւ կարճաժամկետ հեռանկարում կոնկրետ քայլեր ձեռնարկելու՝ Վրաստան օտարերկրյա ֆինանսական ռեսուրսներ ներգրավելու եւ միջազգային ֆինանսական ընկերությունների մոտքի համար:

ՇՆՈՐՀԱՎՈՐՈՒՄ ԵՆՔ

ՄԱՂՎԱԼԱ ԳՈՆԱՇՎԻԼԻՆ՝ ՇՈԹԱ ՌՈՒՄԹԱՎԵԼՈՒ ԱՆՎԱՆ ՊԵՏԱԿԱՆ ՄՐՑԱՆԱԿԻ ԴԱՓՆԵԿԻՐ

Կառավարության որոշմամբ՝ Վրաստանի գործընդերքի միության համանախագահ, բանաստեղծուհի Մաղվալա Գոնաշվիլին պարգևատրվեց Շոթա Ռուսթավելու անվան պետական մրցանակով:

Նշենք, որ պետության կողմից 1965 թվականին հիմնադրած բարձրագույն մրցանակը տրվում է մշակույթի եւ գիտության ոլորտի երկրի երեւելի ներկայացուցիչներին: Պարգևատրվողին շնորհվում է Շոթա Ռուսթավելու անվան մրցանակի դափնեկրի կոչում, դիպլոմ, ոսկե մեդալ եւ դրամական մրցանակ: Մաղվալա Գոնաշվիլին ուղղված բազմաթիվ շնորհավորանքների թվում, Հայաստանի գրողների միության անդամ, Հայաստանի պետական մրցանակի դափնեկիր Գագիկ Դավթյանին է, ով, ի դեպ, Մաղվալա Գոնաշվիլին հայերեն թարգմանիչներից մեկն է: «Տիկին Մաղվալա,- ասված է Գագիկ Դավթյանի շնորհավորական ուղերձում,- Ձեր բարեկամ հայ գրողներին ուրախացրեց լրատվությունն այն մասին, որ վրացիների համար ամենաբարձր՝ Ռուսթավելու անվան մրցանակն էր ստացել: Դուք մեզ մոտ Հայաստանում մեկ նազամ չէ, որ մրցանակի էր արժանացել: Ձեզ շնորհվել է Հայաստանում անցկացված համաշխարհային պոեզիայի փառատոնի Գրան-պրին եւ հայ պոեզիան վրացերեն թարգմանելու համար՝ Հայաստանի գրողների միության «Էջմիածնի Սուրբ Թարգմանիչների» մրցանակը: Շնորհավորում ենք նոր հաղթանակի առիթով մաղթում բազմաթիվ ստեղծագործական հաջողություններ»:

Ընթերցողին հիշեցնենք, որ Մաղվալա Գոնաշվիլին ոչ միայն գործնական, այլեւ ընկերական ջերմ հարաբերություններ է ունեցել վիրահայ բանաստեղծուհի Անահիտ Բոստանջյանի

հետ, ում թարգմանությունների շնորհիվ եւս ծանոթ դարձել հայ ընթերցողին: Նրանց համատեղ թարգմանությամբ 2015 թվականին լույս է տեսել Վահագն Դավթյանի «Ռեքվիեմը»: Հիշարժան է նաեւ Մաղվալա Գոնաշվիլին բարեկամությունը Հայաստանի գրողների միության նախկին նախագահ Լեւոն Անանյանի հետ, ում միասնական ջանքերով այդ տարիներին եւս առավել ամրացան ու զարգացան հայ-վրացական գրական կապերը, որոնք առայսօր իրենց արժանի շարունակությունն ունեն:

Մաղվալա Գոնաշվիլին հայ ընթերցողին ծանոթ է նաեւ առանձին գրքերով, այդ թվում՝ «Գիսավոր աստղի թագավորությունում» (թարգմ.՝ Անահիտ Բոստանջյան), «Արեւի արցունքը» (թարգմ.՝ Գագիկ Դավթյան):



«Վրաստան» թերթը սիրով միանում է հայերի լավագույն բարեկամներից մեկին, սիրելի բանաստեղծուհուն ուղղված բոլոր շնորհավորանքներին: Թանկագին տիկին Մաղվալա, սրտանց մաղթում ենք, որպեսզի կրկնապատիկ ավյունով ու հարուստ ձեռքբերումներով շարունակեք ինքնատիպ ու տաղանդաշատ բանաստեղծուհու, մշակույթի անվանի գործչի, հմայիչ ու գեղեցիկ տիկնոջ, մոր, տատիկի բարի ու նպաստավոր առաքելությունները:

ՎՐԱՍՏԱՆ - ՀԱՅԱՍՏԱՆ

ԵՐԿՐՈՒ ԵՐԿՐՆԵՐԻ ՆԱԽԱՐԱՐՆԵՐԸ ՄՏՈՐԱԳՐԵՅԻՆ ԱՐԴԱՐԱԴԱՏՈՒԹՅԱՆ ԲՆԱԳԱՎԱՌՈՒՄ ՀԱՄԱԳՈՐԾԱԿՑՈՒԹՅԱՆ ՀՈՒՇՆԱԳԻՐ

(Սկիզբը՝ 1-ին էջում)

հնարավորությունը, բարեփոխումների ուղղությունները նախանշելուն, ինչպես նաեւ հայ-վրացական 4-րդ իրավական ֆորումը Վրաստանում կազմակերպելուն առնչվող հարցեր: Վրաստանի արդարադատության նախարարը տեղեկացրեց, որ իրենց հետ բերել են շարժական արդարադատության տունը, նաեւ՝ ինովացիոն սարք, որը թույլ է տալիս պրոբացիայի շահառուներին ստանալ այն բոլոր ծառայությունները, որոնք ստանում են, օրինակ՝ պրոբացիայի բյուրոներում: Վրաստանի եւ Հայաստանի նախարարները պայմանավորվեցին նաեւ Վրաստանում փետրվարին հայ եւ վրացի իրավաբանների համագումար անցկացնել:



Հանդիպմանը երկու երկրների միջեւ ստորագրվեց արդարադատության բնագավառում համագործակցության հուշագիր:

Երկկողմ հանդիպումից հետո երկու երկրների նախարարներն այցելեցին Կարեն Դեմիրճյանի անվան Մարզահամերգային համալիր, որտեղ կայացավ վրացական Պրոբացիոներների էլեկտրոնային վերահսկման եւ ծառայությունների ապահովման ինովացիոն տեխնոլոգիական սարքերի, ինչպես նաեւ Վրաստանում գործող հանրային միասնական ծառայությունների մատուցման Մոբիլ սրահի եւ հողի գրանցման համակարգի ցուցադրությունը:

Հայաստանի արդարադատության նախարար Կարեն Անդրեասյանի իրավերով Հայաստանում գտնվող Վրաստանի ար-

դարադատության նախարար Ռատի Բրեգաձեի գլխավորած պատվիրակությունը այցելել է «Արմավիր» քրեակատարողական հիմնարկ:

Ռատի Բրեգաձեն ծանոթացել է քրեակատարողական հիմնարկում դատապարտյալների պահման պայմաններին: Ռատի Բրեգաձեն կարճ տեսակցություն է ունեցել նաեւ «Արմավիր» ԲԿՀ-ում պահվող Վրաստանի քաղաքացիների հետ, վերջիններս Բրեգաձեի հետ զրույցում նշել են, որ պահման պայմանների վերաբերյալ բողոքներ չունեն:

Երկօրյա այցի շրջանակում Վրաստանի արդարադատության նախարարի գլխավորած պատվիրակությունը այցելել է Մայր Աթոռ Սուրբ Էջմիածին, «Ալեք եւ Մարի Մաճուկյանների» զանգվածային-թանգարան:

«Արմենպրես»-«Վրաստան»



ՖՐԱՆՍԻԱ
ԿԱՅԱՑԱՎ «ՆՈՐՄԱՆԴԱԿԱՆ ՔԱՌՅԱԿԻ» ՔԱՂԱՌՈՐՀՐԱՎԱՆՆԵՐԻ ՀԱՆԴԻՊՈՒՄԸ
Հունվարի 26-ին Փարիզի Ելիսեյան պալատում անցկացվեց «նորմանդական ձեռագրի» երկրների (Գերմանիա, Ռուսաստան, Ֆրանսիա եւ Ուկրաինա) ղեկավարների քաղաքական խորհրդակցության հանդիպումը: Նշենք, որ վերջին ժամանակներս Ուկրաինան եւ Արեւմուտքի մի շարք երկրներ սկսել են վերստին Ռուսաստանին մեղադրել, որ պատրաստվում է ագրեսիայի Դոնբասում, որտեղ 2014 թվականից շարունակվում է Կիեւի ներքին զինված հակամարտությունը՝ իրենց անկախությունը հռչակած Դոնեցկի եւ Լուգանսկի ժողովրդական Հանրապետությունների հետ:

ԱՄՆ
ԿԱՐՅԱՆՎԵՆ ԽԻՍՏ
ՊԱՏՃԱՄԻՋՈՑՆԵՐ ՌՈՒՍԱՍՏԱՆԻՆ
ԱՄՆ Սպիտակ տան հայտարարությամբ, ֆինանսական պատժամիջոցները, որոնք Միացյալ Նահանգները մտադիր է կիրառել Ռուսաստանի դեմ Ուկրաինայում իրավիճակի սրման դեպքում, ավելի ծանր են լինելու, քան 2014-ի պատժամիջոցները: Հայտարարության մեջ նշված է, թե ռուքլու արժեքի ներկայիս փոփոխությունը արտացոլում է տնտեսական այն պատժամիջոցների նշանակությունը, որոնք ԱՄՆ պատրաստ է կիրառել: Դրիմի միացումից հետո 2014 թվականին, պատժամիջոցների հետեւանքով, ռուսական ռուբլին արժեզրկվել էր 50 տոկոսով, եւ Ռուսաստանի Կենտրոնական բանկը ծախսեց իր պահուստային ֆոնդի 25 տոկոսը՝ արժույթի կայունությունը պահպանելու համար:

ՂԱԶԱԽՏԱՆ
ՆԱԶԱՐԱՆԵՎԸ ԶՐԿԵԼ Է ԱԶԳԱՅԻՆ ԽՈՐՀՐԴԻ ՑՄԱՐ ՆԱԽԱԳԱՐՈՒԹՅՈՒՆԻՑ
Ղազախստանի խորհրդարանի սենատը (վերին պալատի) լիազումար նիստում հավանություն տվեց օրենսդրական ուղղումներին, որոնք չեղարկում են նախկին նախագահ Նուրսուլթան Նազարբաեւի՝ Ղազախստանի ժողովրդական ասամբլեայում եւ Անվտանգության խորհրդում նրա ցմահ նախագահությունը: Նշենք, որ խորհրդարանի մաժիլիսը (ստորին պալատը) ավելի վաղ հավանություն էր տվել այդ ուղղումներին: Բացի այդ, քննարկվում են փոփոխություններն ու լրացումները, որոնք պահպանում են սահմանադրական օրենքի կազմի մեջ մտնելու Նազարբաեւի իրավունքը, ինչպես նաեւ հանդես գալ կառավարությունում եւ խորհրդարանում:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՍՈՑԻԱԼԱԿԱՆ

ԿԵՆՍԱԹՈՇԱԿԱՅԻՆ ԱԿՏԻՎՆԵՐԻ ԾԱՎԱԼԸ ԿԱԶՄՈՒՄ Է 2,1 ՄԻԼԻԱՐԴ ԼԱՐԻ

Կենսաթոշակային գործակալության տվյալներով, 2022 թվականի հունվարի 24-ի դրությամբ՝ կենսաթոշակային ակտիվների ծավալը կազմել է 2,1 մլրդ լարի: Հաշվեգրված նպաստը կազմում է 277 մլն լարի:

Կենսաթոշակային սխեմայի գրանցված մասնակիցների թիվը կազմում է 1 մլն 245 հազար մասնակից: Կուտակային կենսաթոշակից մինչ այժմ օգտ-

վել է 1438 մարդ: Ըստ նրանց՝ կենսաթոշակային ակտիվները տեղակայված են ինը առևտրային բանկերում: Հիմնադրամի շա-

հույթը, ֆոնդի գործարկման օրվանից՝ 2019թ. հունվարի 1-ից առայսօր, կազմում է 32 տոկոս, ինչը 7,2 տոկոսով բարձր է նույն ժամանակահատվածի գնաճից (24,8 տոկոս): Հիմնադրամի ընթացիկ տարեկան արդյունավետ շահութաբերությունը կազմում է 11,6 տոկոս:



ՎՐԱՍՏԱՆԻ ՎԱՐՉԱՊԵՏԸ ԿԱՄԱՆԱԿՑԻ ՄՅՈՒՆԻՏԵՆԻ ՀԱՄԱԺՈՂՈՎԻՆ

Վրաստանի վարչապետ Իրակլի Դարիբաշվիլին կմասնակցի Մյունխենի անվտանգության համաժողովին, որը կանցկացվի փետրվարի 18-20-ը՝ Մյունխենում: Վարչապետը համաժողովին մասնակցելու հրավերը ստացել է Մյունխենի անվտանգության համաժողովի նախագահ Վոլֆգանգ Իշինգերից:

Մյունխենի անվտանգության համաժողովը միջազգային անվտանգության քաղաքականության քննարկման համաշխարհային առաջատար ֆորումն է: Ամեն տարվա փետրվարին միջոցառումը համախմբում է ավելի քան 450 բարձրագույն որոշումներ կայացնող բարձրաշտոնյաների եւ ղեկավարների ամբողջ աշխարհից՝ քննարկելու միջազգային անվտանգության քաղաքականության ամենաիրատապ խնդիրները:

12,75 ՄԻԼԻՈՆ ԵՎՐՈ՝

ՎՐԱՍՏԱՆԻ ԶԻՆՎԱԾ ՈՒԺԵՐԻՆ

Եվրամիությունը, «խաղաղության եվրոպական գործիք»-ի (EPF) շրջանակներում, հավանություն է տվել Վրաստանի զինված ուժերին ֆինանսական աջակցություն տրամադրելուն: Վրաստանի պաշտպանության նախարարությունը կստանա բժշկական եւ ինժեներական սարքավորումներ, ինչպես նաեւ քաղաքացիական շարժունակության միջոցներ:

Եվրոպական խորհրդի աջակցության փաթեթը կազմում է 12,75 մլն եվրո եւ նախատեսված է 36 ամսվա համար: Տրամադրվելիք աջակցության նպատակն է երեք տարվա ընթացքում հզորացնել երկրի ռազմական եւ պաշտպանական կարողությունները, որոնք կնպաստեն Վրաստանի ակտիվ համագործակցությանը «Եվրամիության հետ ընդհանուր անվտանգության եւ պաշտպանության քաղաքականության» (CSDP) շրջանակներում:

ԴՐԱՎԱՆ ԳՆԱՀԱՏԱԿԱՆ

ԴԱՏԱԽԱՋՈՒԹՅԱՆ ԵՎ ԻՐԱՎԱՊԱՅ ՄԱՐՄԻՆՆԵՐԻ ԱՇԽԱՏԱՆՔԻՆ

Եվրախորհուրդը հերթական դրական գնահատականն է տվել Վրաստանի իրավապահ մարմիններին՝ փողերի լվացման հանցագործությունների դեմ պայքարում գրանցած առաջընթացի համար:

Ինչպես նշվել է զեկույցում, իրավապահ մարմինները, հատկապես Վրաստանի գլխավոր դատախազության մասնագիտացված ստորաբաժանումը, արդյունավետորեն հետաքննում են փողերի լվացման հնարավոր հանցագործությունները՝ օգտագործելով հետաքննական տեխնիկայի լայն շրջանակ:



հատկացվել է շուրջ 20 միլիոն լարի: Վաուչերից կարող են օգտվել՝ մայրաքաղաքում բնակվող սոցիալապես անպաշտ-

Ինչպես հայտարարեց Թբիլիսիի քաղաքապետ Կախա Կալաձեն՝ մայրաքաղաքում սկսվել է սոցիալապես անապահով կենսաթոշակառուների դեղորայքի համար 500 լարիի գումարով վաուչերների հանձնումը:

Այդ ծրագրի իրականացման համար, քաղաքացիներին պետք է լինի բյուջեից պան անձի կարգավիճակ ունեցող մոտ 40 հազար կենսաթոշակառուներ:

- Դա ամենամյա վաուչեր է եւ ոչ թե միանվագ օգնություն, որից կենսաթոշակառուները կարող են օգտվել իրենց հայեցողությամբ, բժշկի նշանակմամբ, մեկ տարվա ընթացքում, մինչեւ վաուչերային գումարի սպառումը,- պարզաբանեց Կախա Կալաձեն եւ հավելեց, որ ծրագրից կարող են օգտվել Թբիլիսիում գրանցված կենսաթոշակային տարիքի քաղաքացիները, ում ընտանիքի սոցիալական վարկանիշը չի գերազանցում 200 հազար միավորը:

ՄԻՋԱԶԳԱՅԻՆ ՎԱՐԿԱՆԻՇ

ՎՐԱՍՏԱՆԸ ՈՒ ՀԱՅԱՍՏԱՆԸ՝ ԿՈՌՈՒՂՅՈՒՄԻ ԸՆԿԱՄԱՆ ՀԱՄԱԹՎՈՒՄ

«Թրանսփարենսի ինթերնեշնլ» միջազգային հասարակական կազմակերպությունը հրապարակել է կոռուպցիայի ընկալման 2021 թվականի համաթիվը:

Զեկույցում ամփոփված են 180 երկրների տվյալները: Այս համաթիվը երկրները կարող են ստանալ 0-ից 100 միավոր: Որքան բարձր է ցուցանիշը, այնքան ցածր է երկրում կոռուպցիան:

Վրաստանը 55 միավորով զբաղեցնում է 45-րդ տեղը եւ առաջին տեղը տարածաշրջանում (Արեւելյան Եվրոպա եւ

Կենտրոնական Ասիա): Միաժամանակ, անցած տարվա համեմատ, Վրաստանի ցուցանիշը նվազել է մեկ միավորով:

Հարավային Կովկասում Վրաստանին հաջորդում է Հայաստանը, որը 2017 թվականից սկսած վաստակել է 14 միավոր եւ դրանց ընդհանուր թիվը հասել է 49-ի:

Զեկույցում ասվում է, որ, կոռուպցիայի ընկալման համաթիվ տեսանկյունից, անցած 5 տարվա կտրվածքով, «հաջողության օրինակ» կարելի է համարել Հայաստանը:



ԴԱՏԱԿԱՆ

ՈՍՏԻԿԱՆՆԵՐԻՆ ՆԵՐԿԱՅԱՅՎԵՑ ՄԵՂԱԳՐԱՆԸ՝ ԱՆՉԱՓԱՀԱՍ ԼԵՎՈՆԻ ՀԱՆԴԵՊ ՖԻԶԻԿԱԿԱՆ ԲՈՆՈՒԹՅՈՒՆ ԿԻՐԱՌԵԼՈՒ ԳՈՐԾՈՎ

Վրաստանի դատախազությունը, անչափահասի նկատմամբ բռնություն գործադրելու համար, ձերբակալված պարեկային տեսուչին մեղադրանք է առաջադրել՝ անմարդկային վերաբերմունքի համար, իսկ դեպքին մասնակցած երկրորդ պարեկային տեսուչին մեղադրանք է առաջադրվել՝ պաշտոնական լիազորությունները չարաշահելու համար:

Գերատեսչության տվյալներով, հետաքննությունը պարզել է, որ հունվարի 23-ին, «Իսանի» մետրոկայարանի ոստիկանության սենյակում, պարեկային տեսուչ Ն.Բ.-ն անմարդկային վերաբերմունք է ցուցաբերել անչափահասի նկատմամբ, հաշմանդամ խուլուհամր Լեւոն Հ.-ին տեսուչը մի քանի անգամ հարվածել եւ բառացիորեն վիրավորել է: Երկրորդ պարեկային տեսուչ Կ.Բ.-ն, իր զուգընկերոջ կողմից իրականացված բռնությունը կանխելու եւ համապատասխան գերատեսչությանը տեղեկացնելու փոխարեն, պաշտոնական դիրքի չարաշահմամբ ոչինչ չի արել:

«ՆԳՆ գլխավոր տեսչության ակտիվ համագործակցությամբ եւ քննչական գործընթացում ներգրավվածությամբ՝ շուտով պարզվել է դեպքի մասնակից երկու պարեկային տեսուչների ինքնությունը, որից հետո երկու կասկածյալները ձերբակալվել են պետական տեսչության կողմից:

Պարեկային տեսուչ Ն.Բ.-ն մեղադրվում է՝ անօգնա-

կան վիճակում գտնվող անչափահաս անձի նկատմամբ անմարդկային վերաբերմունք դրսևորելու, ծառայողական վիճակը չարաշահելու հարցում՝ Վրաստանի ՔՕ 144-րդ հոդվածի 2-րդ մասով, ազատագրված ժամկետը՝ 5-ից 10 տարի:

Պարեկային տեսուչ Կ.Բ.-ն մեղադրվում է պաշտոնական լիազորությունները չարաշահելու հարցում՝ Վրաստանի քրեական օրենսգրքի 332-րդ հոդվածի առաջին մասով: Բերման ենթարկվածներն առաջադրված մեղադրանքում իրենց մեղավոր չեն ճանաչում,- ասված է դատախազության հաղորդագրությունում:

Անչափահասին ծեծի ենթարկելու գործով ձերբակալված ոստիկանները դատապարտվել են ազատագրվման: Դատավոր բավարարել է մեղադրող կողմի միջնորդությունը՝ մեղադրյալի նկատմամբ որպես խափանման միջոց կալանավորումը կիրառելու վերաբերյալ:

ԵԿԵՂԵՑԱԿԱՆ

ԹԲԻԼԻՍԻ ՍՈՒՐԵ ԳԵՎՈՐԳ ԵԿԵՂԵՑՈՒՄ ԿԱՅԱՅԱՎ ԷԿՈՒՄԵՆԻԿ ԱՂՈԹԸ

(Սկիզբը՝ 1-ին էջում)

Էկումենիկ աղոթքի ավանդույթը, մեկ անգամ եւս հաստատում է տարբեր երկրներում, այդ թվում՝ նաեւ Վրաստանում, առկա կրոնական համերաշխությունը: Մասնակից եկեղեցիները ամենամյա էկումենիկ աղոթքը հյուրընկալում են հերթականությամբ:

Այս տարվա էկումենիկ աղոթքի կազմակերպիչն էր Հայ Առաքելական Ուղղափառ Սուրբ Եկեղեցու Վիրահայոց թեմը՝ առաջնորդ Տ. Կիրակոս վարդապետ Դավ-

թյանի օրհնությամբ, Տ.Նարեկ քահանա Դուռչյանի կազմակերպմամբ եւ հոգեւորականաց ու սարկավագաց դասի մասնակցությամբ:

Էկումենիկ աղոթքին ներկա էին Հայ առաքելական Կովկասի լատինական կաթոլիկների առաքելական վարչության առաջնորդ Զուգեպպե Եպիսկոպոս Պազուտոն, Վրաստանում Ավետարանական Մկրտական Եկեղեցու Եպիսկոպոս Մալխազ Սոնդուլաշվիլին, Վրաստանում Ավետարանական-Լութերական Եկեղեցու փոխառաջնորդ Իրեն Սոլեյը, հոգեւոր սպա-

սավորներ, հավատացյալներ:

Էկումենիկ աղոթքի արարողակարգը բացեց Վիրահայոց թեմի առաջնորդ Տ.Կիրակոս վարդապետ Դավթյանը:

Բոլոր մասնակիցները խոսեցին էկումենիկ աղոթքի կարելիությունը մասին՝ նշելով, որ այսպիսի միջոցառումները կարող են մոտեցնել եկեղեցիների հավատացյալներին՝ պաշտելու միակ Աստծուն եւ Փրկչին՝ Հիսուս Քրիստոսին:

Էկումենիկ աղոթքն ավարտվեց առաջնորդների կողմից իրենց մայրենի լեզվով տերունական աղոթքով: Աղոթքին, հոգեւ-

որ երգերի գեղեցիկ եւ հոգեմաս կատարումներով, մասնակցեց Սուրբ Գեորգ եկեղեցու երգչախումբը՝ խմբավար Սվետլանա Տատոեւայի գլխավորությամբ:

Հիշեցնենք, որ Վրաստանում էկումենիկ աղոթքի նախաձեռնողներից մեկը Ավետարանական-Մկրտական Եկեղեցին է, եւ այն իրականացվում է արդեն 30 տարի: Այն ամեն տարի անցկացվում է հունվարի 18-ից հունվարի 25-ն ընկած ժամանակահատվածում:

ՍՈՒՄԱՆԱԿԱՆ ԽԱՉԱՏՈՐՅԱՆ

ԷԿՈՆՈՄԻԿԱ ԵՎ ՖԻՆԱՆՍՆԵՐ

ԼԱՇԱ ԽՈՒՑԻՇՎԻԼԻ. «ԱՌԱՋԻՆ ԵՌԱՄՍՅԱԿԻ ԱՐԺԵԶՐԿՈՒՄԸ ԿՆՎԱԶԻ ԵՎ ՏԱՐԵՎԵՐՋԻՆ ԿԶԱՍՆԻ ՆՊԱՏԱԿԱՅԻՆ ՑՈՒՅԱՆԻՇԻ»



Վրաստանի ֆինանսների նախարար Լաշա Խուցիշվիլու կանխագծմամբ՝ Վրաստանում 2022 թվականի առաջին եռամսյակում, կսկսվի արժեզրկման նվազումը, իսկ տարեվերջին այն կհասնի նպատակային ցուցանիշի:

Հիշեցնենք, որ արժեզրկման կտրուկ աճը 2021 թվականին Վրաստանի կարեւորագույն հիմնախնդիրներից մեկն էր: Անցյալ տարվա նոյեմբերի տվյալներով՝ երկրում արժեզրկման մակարդակը կազմեց 12,5 տոկոս, երբ նպատակային ցուցանիշը 3 տոկոս էր: Ազգային բանկի հավաստմամբ, արժեզրկման գլխավոր պատճառը երկրի էկոնոմիկայի վրա համավարակի ազդեցությունն էր:

- Այսօրվա դրությամբ մեր առեւտրական գործընկերների մոտ վավերացված է արժեզրկման պատմական առավելագույնը: Հետեւաբար, նշանակալից է, որ ֆինանսական ոլորտում ընդունված օրենքները, ինչպիսիք են պակասորդի կտրուկ նվազեցումը, ինչպես նաեւ Ազգային բանկի կողմից ձեռնարկած միջոցները՝ ուղղված ֆինանսական քաղաքականության խստացմանը, երաշխավոր են, որ վերոնշյալ գործընթացները չեն վերածվի երկարաժամկետ արժեզրկման,- հայտարարեց Լաշա Խուցիշվիլին եւ հավելեց, որ ներկայիս արժեզրկումը երկրի էկոնոմիկայի վրա կորոնավիրուսի համավարակի բացասական ազդեցության հետեւանքն է:

ՆԱԹԻԱ ԹՈՒՐՆԱՎԱ. «ԱՐԺԵԶՐԿՄԱՆ ՆՎԱԶԵՅՄԱՆ ՈՒՂՈՒԹՅՈՒՆՆԵՐԻՑ ՄԵԿԸ ԴԵՂՈՐԱՅՔԻ ՔՆԻ ԿԱՅՈՒՆԱՑՈՒՄՆ Է»

Վրաստանի էկոնոմիկայի եւ կայուն զարգացման նախարար Նաթիա Թուրնավան հայտարարեց, որ մոտ ժամանակներում կառավարությունը հանդես կգա արժեզրկման բարձր մակարդակի դեմ պայքարի նախաձեռնությամբ:

Նշենք, որ, 2020 թվականի համեմատ, 2021 թվականի դեկտեմբերին տարեկան արժեզրկումը, ծրագրված 3-ի դիմաց, կազմեց 13,9 տոկոս:

- Մենք նախատեսել ենք մի շարք նախաձեռնություններ, այդ թվում՝ դեղորայքի գների կայունացման եւ մրցունակ շուկայի բացման նախագիծը, ինչը հնարավորություն կտա նշանակալիորեն ազդել արժեզրկման մակարդակի վրա,- հայտարարեց էկոնոմիկայի նախարարը:

Նաթիա Թուրնավան անդրադարձավ նաեւ մյուս ոլորտներում սակագների ավելացման թեմային, նշելով, որ վերջին մեկ տարվա ընթացքում կոմունալ ծառայությունների սակագները ավելացել են 43,5 տոկոսով, տրանսպորտինը՝ 17,3 տոկոսով, հյուրանոցների եւ ռեստորանների՝ 14 տոկոսով, առողջապահությանը՝ 7,9 տոկոսով: Նախարարի տվյալներով՝ անցյալ տարվա դեկտեմբերին, վավերացված գներով պարենամթերքի գները ավելացել են 16,7 տոկոսով: Ընդ որում, սակագնի ամենաբարձր աճը վավերացվել է բուսական յուղինը՝ 24,5 տոկոս, բանջարեղենը՝ 20,7 տոկոս, հացը եւ հացամթերքը՝ 20,2 տոկոս, շաքարը՝ 19,8 տոկոս, կաթը եւ ձու՝ 15,3 տոկոս:



2022-2023 ԹՎԱԿԱՆՆԵՐԻ ՀԱՄԱՐ ԿԱՆԽԱԳԾՎՈՒՄ Է ՏՆՏԵՍԱԿԱՆ ԱՃԻ ԴԱՆԴԱՂԵՑՈՒՄ



Համաշխարհային բանկի «Գլոբալ էկոնոմիկայի հեռանկարների մասին» վերջին հաշվետվության համաձայն, Վրաստանը 2021 թվականին համարվում էր Եվրոպայի եւ Կենտրոնական Ասիայի տարածաշրջանում երկրորդ պետությունը, եմթադրաբար՝ 10,5 տոկոս տնտեսական աճով երկրորդ երկիրը, ինչն արտահայտում է ներքին պահանջարկի ուժեղ ավելացումը, ֆինանսական քաղաքականության ազդեցությունը եւ արտաքին իրավիճակի բարելավումը:

Համաշխարհային բանկի հաշվետվության համաձայն, 2022-2023 թվականներին Վրաստանում սպասվում է տնտեսական աճի տեմպերի նվազում, մինչեւ 5-

5,5 տոկոսը՝ համեմատաբար առավել խիստ ֆինանսական քաղաքականության եւ տեղական պահանջարկի կայունացման պայմաններում: Կանխագծումը հիմնված է համավարակով պայմա-

նավորված սահմանափակումների կիրարկման վրա, ինչը նպաստում է պատվաստման եւ գործարարության ոլորտի նկատմամբ վստահության ձեռք բերած առաջընթացին: Համաշխարհային բանկի զեկույցում նշվում է, որ «Օմիկրոն» շտամի արագ տարածումը, հավանաբար, արգելքներ կհարուցի մոտ ապագայում տնտեսական ակտիվությանը: Միաժամանակ, առաջատար երկրներում, այդ թվում՝ ԱՄՆ-ում եւ Չինաստանում, տնտեսական աճի նկատելի դանդաղեցումը բացասական ազդեցություն կգործի ձեւավորվող շուկաներ եւ զարգացող էկոնոմիկա ունեցող երկրների արտաքին պահանջարկի վրա:

NDI

ՀԱՐՑՈՒՄԸ ԲԱՅԱՀԱՅՏԵՅ ՆՇԱՆԱԿԱԼԻ ԹԵՄԱՆԵՐԻ ՀՈՒՐՁ ԲՆԱԿՉՈՒԹՅԱՆ ՎԵՐԱԲԵՐՄՈՒՆԸ



ԸՍՏ ՀԱՐՑՄԱՆ ԱՐՅՈՒՆՔՆԵՐԻ՝ «ՎՐԱՑԱԿԱՆ ԵՐԱՁԱՆՔԸ» ԲՆԱԿՉՈՒԹՅԱՆ ՎԱՏԱՀՈՒԹՅԱՆ ՑՈՒՑԱՆԻՇՈՎ ԶԳԱՒՈՐԵՆ ԳԵՐԱՁԱՆՑՈՒՄ Է ՄՐՑԱԿԻՑՆԵՐԻՆ

Ազգային ժողովրդավարության ինստիտուտի (NDI) հարցման արդյունքներով, Վրաստանի բնակչության մեծամասնությունը (50 տոկոսը) չգիտի կամ չի նշել, թե որ կուսակցությունն է առավել մոտ իր հայացքներին:

Այս հարցման արդյունքներով լավագույն ցուցանիշն ունի «Վրացական երազանքը»: Հարցվածների 24 տոկոսն այն համարել է իր տեսակետներին ամենամոտ կուսակցությունը: Ամենամեծ ընդդիմադիր կուսակցությունը՝ «Ազգային շարժումը», 2,5 անգամ ցածր (9 տոկոս) արդյունք ունի:

«Զկողմնորոշված» քաղաքացիների մեծամասնությունը 18-ից 34 տարեկան անձինք են: Այս տարիքային խմբում «Վրացական երազանքը» հավաքել է ձայների 18 տոկոսը, «Ազգային շարժումը»՝ 10 տոկոսը:

Ուսումնասիրության համաձայն՝ ընդդիմությունն ավելի շատ բացասական ցուցանիշ ունի:

ԵՐԿՐԻ ԱՌՋԵՎ ԾԱՌԱՅԱԾ ԿԱՐԵՎՈՐԱԳՈՒՅՆ ՄԱՐՏԱԶՐԱՎԵՐՆԵՐԸ՝ ԱՐՔԱՏՈՒԹՅՈՒՆԸ, ՔԱՆՃՆ ՈՒ ԱՇԽԱՏԱՏԵՂԵՐԻ ԲԱՑԱԿԱՅՈՒԹՅՈՒՆԸ

Հարցման համաձայն՝ աղքատությունը, գնաճը եւ աշխատատեղերի բացակայությունը երկրի կարեւորագույն խնդիրներից են:

Աղքատությունը եւ գնաճը հարցվածների 32 տոկոսի կողմից անվանվել է որպես իր եւ իր ընտանիքի համար կարեւորագույն խնդիր:

Բնակչության 49 տոկոսի կարծիքով՝ երկրում ամենատնտեսական խնդիրը գործազրկությունն է, 42 տոկոսի համոզմամբ՝ գնաճը, 23 տոկոսի կարծիքով՝ աղքատությունը:

Հարցման ենթարկվածների 21 տոկոսը գտնում է, որ կարեւորագույն հիմնախնդիրը ցածր աշխատավարձն է, իսկ 14 տոկոսը նշանակալի է համարում ազգային տա-

Ամերիկյան Ազգային ժողովրդավարական ինստիտուտը (NDI) 2021 թվականի դեկտեմբերի 7-13-ը՝ Վրաստանի ողջ տարածքում 2099 հեռախոսային հարցազրույցների ներկայացուցչական ընտրանքի հիման վրա՝ երկրի չափահաս բնակչության շրջանում (առանց բռնազավթված տարածքների) հացում է անցկացրել: Հարցման միջին սխալի սահմանը +/- 1,4 տոկոս է: Հարցվողներն ընտրվել են պատահականության սկզբունքով: Հարցումն իրականացվել է CRRC-Վրաստանի կողմից:

NDI-ի կողմից ներկայացված հարցաթերթիկում ներառված էին երկրի բնակչությանը հուզող, գրեթե բոլոր ոլորտները:

րադրամի՝ լարիի արժեզրկումը:

ԵՎՐԱՄԻՈՒԹՅԱՆ ՈՒ ՆԱՏՕ-ԻՆ ԱՆԴԱՄԱԿՑՈՒԹՅՈՒՆԸ ՄԵԾԱՄԱՍՆՈՒԹՅԱՆ ԸՆՏՐՈՒԹՅՈՒՆԸ Է

Վրաստանի բնակչության մեծ մասը դեռ կողմ է Եվրամիությանն ու ՆԱՏՕ-ին միանալուն:

Ազգային ժողովրդավարության ինստիտուտի (NDI) եւ Վրաստանի Հետազոտական ռեսուրսների կովկասյան կենտրոնի (CRRC) հարցման արդյունքներով, Վրաստանի՝ Եվրամիության անդամ դառնալուն կողմ է արտահայտվել հարցվածների 83 տոկոսը, դեմ՝ 8 տոկոսը, իսկ 3 տոկոսը դժվարացել է պատասխանել: Նույն հարցման համաձայն՝ քաղաքացիները համակարծիք են, որ ԵՄ անդամակցությունը կարելու է՝ անկախ քաղաքական հայացքներից:

Վրաստանի՝ ՆԱՏՕ-ի անդամ դառնալուն կողմ է հարցվածների 77 տոկոսը, դեմ՝ 11 տոկոսը, 12 տոկոսը դժվարացել է պատասխանել: Այս դեպքում եւս բնակչությունը կարծում է, որ ՆԱՏՕ-ին անդամակցվելը, անկախ քաղաքական հայացքներից, կարելու է:

ԲՆԱԿՉՈՒԹՅԱՆ ՄԵԾԱՄԱՍՆՈՒԹՅՈՒՆԸ ՎԱՏԱՀՈՒՄ Է ԱՌՈՂՋԱՊԱՀՈՒԹՅԱՆ ՀԱՄԱԿԱՐԳԻՆ

Ազգային ժողովրդավարական ինստիտուտի (NDI) հարցման արդյունքներով, բնակչության մեծամասնությունը վստահում է առողջապահական համակարգին:

Հարցման համաձայն՝ 73 տոկոսը մասամբ կամ ամբողջությամբ վստահում է առողջապահական համակարգին, 23 տոկոսը լիովին վստահում է, 50 տոկոսը՝ մասամբ: 11 տոկոսը՝ մասամբ անվստահություն ունի, 14 տոկոսը՝ ընդհանրապես չի վստահում: 2 տոկոսը՝ չգիտի:

Կառավարության կողմից համավարակի կառավարումը դրական է գնահատվում 50 տոկոսի, վատ՝ 43 տոկոսի կողմից: Չգիտի՝ 7 տոկոսը:

Հարցվածների 37 տոկոսը գտնում է, որ համավարակի հետ կապված վատագույնը դեռ առջեւում է, մինչդեռ